

ხელშეკრულება
სახელმწიფო შესყიდვის შესახებ N83

ქ. ბათუმი

12 აპრილი, 2021 წელი.

ერთი მხრივ, აჭარის ა.რ. ფინანსთა და ეკონომიკის სამინისტროს საქვეუწყებო დაწესებულება-საავტომობილო გზების დეპარტამენტი - შემდგომში „შემსყიდველი“, წარმოდგენილი უფროსის - ზაზა შავაძის სახით, მეორე მხრივ, შპს „გეო-გრუპი“ - შემდგომში „მიმწოდებელი“, წარმოდგენილი დირექტორის გელა კოჩალიძის სახით, „სახელმწიფო შესყიდვების შესახებ“ საქართველოს კანონის მე-3 მუხლის პირველი პუნქტის „ე“ ქვეპუნქტის შესაბამისად დებენ წინამდებარე ხელშეკრულებას შემდეგზე:

მუხლი 1. ხელშეკრულების საგანი და ღირებულება

1.1. წინამდებარე ხელშეკრულების საგანს წარმოადგენს ხელვაჩაურის მუნიციპალიტეტში (1-ლი ზონა) 3201 კუბ/მ სასაქონლო ბეტონის მ-250-ის (B-20) მიწოდება ხელშეკრულების დანართი N3-ით განსაზღვრული გზების ჩამონათვალის და მოცულობების შესაბამისად (**NAT210004274**, 06/03/2021 წ. CPVკოდი-44100000, 44114100) ელექტრონული ტენდერის საშუალებით შესყიდვა.

შემდგომში „საქონელი“

1.2. ხელშეკრულების ჯამური ღირებულება საქართველოს კანონმდებლობით გათვალისწინებული ყველა გადასახადის ჩათვლით შეადგენს 406 527.00 (ოთხასექვსიათას ხუთასოცდაშვიდი) ლარს.

მუხლი 2. ანგარიშსწორების წესი

2.1. მხარეები ანგარიშსწორებას ახორციელებენ ლარში ამ ხელშეკრულებით გათვალისწინებულ რეკვიზიტებზე, უნაღდო ანგარიშსწორების ფორმით.

2.2. ანგარიშსწორება მიმწოდებელთან ხორციელდება მიღება-ჩაბარების აქტის გაფორმებიდან არაუგვიანეს 10 სამუშაო დღის განმავლობაში, გარდა ბოლო ეტაპით განსაზღვრული მოსაწოდებელი საქონლის ღირებულებისა.

2.2.1. მოწოდებული მზა ბეტონის ხარისხის უზრუნველყოფის მიზნით შემსყიდველის მიერ დაკავებული იქნება მოწოდებული საქონლის ღირებულების 5%, რომლის 2.5% -ის ანაზღაურება განხორციელდება 3.3 პუნქტით გათვალისწინებული მოთხოვნის შესრულების შემდეგ.

2.2.2. მიმწოდებელი ვალდებულია საბოლოო ანგარიშსწორებამდე შემსყიდველის მოთხოვნიდან 5 (ხუთი) კალენდარული დღის ვადაში წარმოადგინოს საქართველოს ეროვნული ბანკის მიერ აკრედიტებული საბანკო დაწესებულების ან საქართველოში ლიცენზირებული სადაზღვევო კომპანიის/ დაწესებულების მიერ გაცემული, საგარანტიო პერიოდში მოწოდებული საქონლის ხარისხის უზრუნველყოფის გამოუხმობი და უპირობო საბანკო გარანტია, ხელშეკრულების თანახმად მოწოდებული საქონლის ღირებულების 2.5 პროცენტის ოდენობით, რომლის მოქმედების ვადა უნდა იყოს მინიმუმ ერთი წელი საბოლოო მიღება-ჩაბარების აქტის გაფორმების დღიდან. წინააღმდეგ შემთხვევაში შემსყიდველს უფლება აქვს მიმწოდებელთან ხელშეკრულების მოქმედება ცალმხრივად შეწყვიტოს და დარჩენილი ნაწილის ანგარიშსწორება აღარ განხორციელოს, რაზედაც მომწოდებელს შემდგომში არ ექნება პრეტენზია. საბოლოო მიღება-ჩაბარების აქტის შემდეგ გამოვლენილი ხარვეზის მიმწოდებლის მიერ შესაბამის ვადაში გამოუსწორებლობის შემთხვევაში აღნიშნული გარანტიით გათვალისწინებული თანხა სრულად ჩაერიცხება შემსყიდველს, მიუხედავად ხარვეზის აღმოფხვრისათვის საჭირო თანხის ოდენობისა. გარანტიის ამოქმედება არ ათავისუფლებს მიმწოდებელს საგარანტიო ვადის ფარგლებში მის ვალდებულებებისაგან, რისი დაკმაყოფილებაც ვერ მოხერხდება საბანკო გარანტიის ფარგლებში.

2.3 მიმწოდებელი უფლებამოსილია შემსყიდველს წარუდგინოს წინასწარი წერილობითი თხოვნა ავანსის გაცემასთან დაკავშირებით, სადაც დასაბუთებული უნდა იყოს ავანსის სახით მიღებული თანხის გამოყენების მიზნობრიობა, იგი ვალდებულია, ასევე წარმოადგინოს შესაბამისი დოკუმენტები (განახლებული ამონაწერი სამეწარმეო რეესტრიდან) იმის დასადასტურებლად, რომ არ არის რეგისტრირებული მოვალეთა რეესტრში, მის მიმართ არ არის რეგისტრირებული საგადასახადო გირავნობა ან/და ყადაღა. წინამდებარე პუნქტში აღნიშნული დოკუმენტაცია გაცემული უნდა იყოს ავანსის შესახებ დეპარტამენტის თანხმობის წერილის თარიღის შემდგომ. შემსყიდველის მხრიდან ავანსის მოთხოვნის დაკმაყოფილების ან უარის თქმის შესახებ საკითხს განიხილავს დეპარტამენტის უფროსის 2019 წლის 27 თებერვლის N6 ბრძანებით შექმნილი მუდმივმოქმედი კომისია.

2.4 შემსყიდველის მიერ ავანსის გაცემასთან დაკავშირებით დადებითი გადაწყვეტილების მიღების შემთხვევაში მიმწოდებელი ვალდებულია წარმოადგინოს საქართველოს ეროვნული ბანკის მიერ აკრედიტებული საბანკო დაწესებულების ან საქართველოში ლიცენზირებული სადაზღვევო კომპანიის/დაწესებულების მიერ გაცემული, გასაცემი ავანსის ოდენობის უპირობო საბანკო გარანტია, რომლის მოქმედების ვადას განსაზღვრავს დეპარტამენტის უფროსის 2019 წლის 27 თებერვლის N6 ბრძანებით შექმნილი მუდმივმოქმედი კომისია.

2.5 მიმწოდებელზე გასაცემი საავანსო თანხა განისაზღვრება ხელშეკრულების ჯამური ღირებულების არაუმეტეს 20 პროცენტის ოდენობით.

2.6 შემსყიდველი უფლებამოსილია ხელშეკრულების მოქმედების ნებისმიერ ეტაპზე განახორციელოს მიმწოდებლის მიერ წინასწარი ანგარიშსწორების საფუძველზე მიღებული თანხის ხარჯვის მიზნობრიობის შემოწმება (საავანსო თანხის ხარჯვის დამადასტურებელი შესაბამისი დოკუმენტების წარმოდგენა).

2.7 შემსყიდველის მიერ გაცემული ავანსის დაკავება მოხდება გეგმა-გრაფიკით გათვალისწინებული ყოველი ეტაპის შესრულების წარმოდგენის დროს, ეტაპის შესრულების მთლიანი თანხით, ვიდრე სრულად არ გამოიქვითება მიმწოდებელზე გაცემული ავანსის თანხა.

2.8 შემსყიდველი უფლებამოსილია, ხელშეკრულების მოქმედების ნებისმიერ დროს ამოქმედოს ავანსის უზრუნველსაყოფად გაცემული საბანკო გარანტია ხელშეკრულების პირობების დარღვევისა და ხელშეკრულების შეწყვეტის შემთხვევაში, თუკი შეწყვეტის მომენტისათვის მიმწოდებელს არა აქვს დაქვითული გაცემული ავანსი ან მისი ნაწილი.

2.9 ავანსის გათვალისწინებული თანხის გადარიცხვა იწარმოებს უნაღდო ანგარიშსწორების ფორმით მიმწოდებლის მიერ უპირობო საბანკო გარანტიის წარმოდგენიდან არაუგვიანეს 10 სამუშაო დღის ვადაში.

2.10 იმ შემთხვევაში, თუ განსაზღვრული გარემოებების გამო მიმწოდებლის მიერ მიწოდებული საქონლის ღირებულებამ არ შეადგინა ამ ხელშეკრულებით გათვალისწინებული თანხა, შემსყიდველი აუნაზღაურებს მიმწოდებელს მის მიერ ფაქტობრივად მიწოდებული საქონლის ღირებულებას ამ ხელშეკრულებით განსაზღვრული ერთეული ფასების შესაბამისად. აღნიშნულიდან გამომდინარე მიმწოდებელს არ უნდა გააჩნდეს პრეტენზია სამუშაოთა აუთვისებელ მოცულობების შესრულებაზე და მის გადახდაზე.

2.11 შემსყიდველი უფლებამოსილია, ხელშეკრულებით გათვალისწინებული პირობების დარღვევის გამო დაკისრებული პირგასამტეხლო (ასეთის არსებობის შემთხვევაში) დაუკავოს (გამოუქვითოს) მიმწოდებელს ასანაზღაურებელი თანხიდან და გადარიცხოს ბიუჯეტის შესაბამის ანგარიშზე.

მუხლი 3. საქონლის მიწოდების პირობები

3.1. მიმწოდებელი ვალდებულია მზა ბეტონის მიწოდება დაიწყოს შემსყიდველის წერილობითი მოთხოვნით განსაზღვრულ ვადაში და დაასრულოს 120 კალენდარული დღის ვადაში. მზა ბეტონის მიწოდება ხორციელდება დანართი #3-ით განსაზღვრული გზების ჩამონათვალის შესაბამისად, შემსყიდველის წერილობითი მოთხოვნის საფუძველზე, სადაც დაფიქსირებული იქნება თოთოეული ეტაპებით გათვალისწინებული ბეტონის მიწოდების ვადები, გზის მონაკვეთი და მოსაწოდებელი მზა ბეტონის მოცულობები. ცვლილება გზების ჩამონათვალში (დანართი N3) შესაძლებელია განხორციელდეს მხოლოდ შემსყიდველის გადაწყვეტილების საფუძველზე, რაზედაც წერილობით აცნობებს მიმწოდებელს.

3.2. მიმწოდებელს სატენდერო პირობებით განსაზღვრული არანაკლებ - 8 (რვა) ერთეული ბეტონმრევი მანქანა, (მათ შორის ორი ერთეული უნდა იყოს 5 კმ/მ კალათის მოცულობის, ხოლო აქედან არანაკლებ ერთი ერთეული 5 კმ/მ კალათის მოცულობის ბეტონმრევი მანქანა უნდა იყოს მაღალი გამავლობის) უნდა ყავდეს მუდმივად ტექნიკურად გამართულ მდგომარეობაში აღნიშნული ტენდერით განსაზღვრული სამუშაოების დაუბრკოლებლად შესრულებისათვის.

3.3. მოწოდებული საქონლის ხარისხი უნდა შეესაბამებოდეს ბეტონის მარკას, საქართველოში მოქმედ მსგავსი საქონლის მიწოდების სტანდარტებსა და ნორმებს. მიმწოდებელმა უნდა უზრუნველყოს ბეტონის მარკის დამადასტურებელი ლაბორატორიული დასკვნის წარმოდგენა, ხოლო საბოლოო მიღება-ჩაბარების აქტის გაფორმებამდე, მოსაწოდებელი საქონლის ეტაპით განსაზღვრული ვადის დასრულებიდან 60 კალენდარული დღის ვადაში, მაგრამ არაუგვიანეს 2021 წლის 10 დეკემბრისა სსიპ „ლევან სამხარაულის სახელობის ექსპერტიზის ეროვნული ბიურო“-ს ან სხვა აკრედიტებული პირის მიერ გაცემული ექსპერტიზის დასკვნის წარმოდგენა, რომლითაც უნდა დასტურდებოდეს მიწოდებული ბეტონის ხარისხის შესაბამისობა, ხელშეკრულებით გათვალისწინებულ მოთხოვნასთან. დასკვნის წარმოდგენამდე შემსყიდველი უფლებამოსილია შესრულებულ სამუშაოზე შეაჩეროს ბოლო ეტაპის მიღება-ჩაბარება და ანგარიშსწორება.

3.4. 3.3. პუნქტში აღნიშნული წესებიდან და ნორმებიდან ნებისმიერი გადახვევის შემთხვევაში შემსყიდველი უფლებამოსილია არ მიიღოს საქონელი ან/და მიმწოდებლის მიმართ გამოიყენოს ამ ხელშეკრულებითა და საქართველოს კანონმდებლობით გათვალისწინებული პასუხისმგებლობის ზომები.

3.5. შემსყიდველს უფლება აქვს ნებისმიერ მომენტში შეამოწმოს გამოყენებული მასალების ხარისხი. იმ შემთხვევაში, თუ ხარისხი არ აღმოჩნდება სამშენებლო ნორმებისა და სტანდარტების შესაბამისი, შემსყიდველი მხარე უფლებამოსილია შეაჩეროს მიწოდება და აკრძალოს შეუსაბამო მასალების გამოყენება, ხოლო მიმწოდებელი ვალდებულია გამოასწოროს დაშვებული ხარვეზები საკუთარი ხარჯებით.

3.6. მიმწოდებელი იძლევა გარანტიას, რომ მიწოდებული საქონელი მისი ესპეცულაციის ნორმების დაცვის შემთხვევაში, არ გამოავლენს დეფექტებს საბოლოო მიღება-ჩაბარებიდან ერთი წლის განმავლობაში.

მუხლი 4. სამუშაოს მიღება-ჩაბარების წესი

4.1. ხელშეკრულების საგნის მიღება, როგორც სრული, ასევე ნაწილობრივი მიღება-ჩაბარებისათვის მიმწოდებელმა უნდა წარმოუდგინოს შემსყიდველს მიღება-ჩაბარების აქტი, სასაქონლო ზედნადები, საგადასახადო ანგარიშფაქტურა და ბეტონის ლაბორატორიული დასკვნა.

4.2. ამ ხელშეკრულებით გათვალისწინებული საქონლის მიღება-ჩაბარებას შემსყიდველის მხრიდან ახორციელებს დეპარტამენტის უფროსის 2021 წლის 15 თებერვლის N06 ბრძანებით შექმნილი „საგზაო ინფრასტრუქტურის მოვლა-შენახვა“-ქვეპროგრამის ფარგლებში გათვალისწინებული შემდეგი ღონისძიებების - „მონოლითური ბეტონისა და ინერტული მასალის შეძენა“, „ასფალტობეტონის საფარის ორმული შეკეთება“ და „ბურღვა აფეთქებითი სამუშაოები“-ს მიმღები მუდმივმოქმედი კომისია, რომელიც ადგილზე ამოწმებს ხელშეკრულებით განსაზღვრულ ობიექტზე მოწოდებული საქონლის მოცულობას, რაზეც ფორმდება შესაბამისი მიღება-ჩაბარების აქტი.

4.3. შემსყიდველი ვალდებულია ოპერატიულად, სიტყვიერი ან/და წერილობითი სახით, აცნობოს მიმწოდებელს საქონლის მიწოდების პროცესში შემოწმების შედეგად გამოვლენილი წუნდებული საქონლის მოცულობის, წუნდების მიზეზების და წუნდების გამოსწორების ვადების მითითებით;

4.4. საქონლის მიღების და/ან საბოლოო შემოწმების შედეგად გამოვლენილი დეფექტის ან ნაკლის აღმოფხვრას საკუთარი ხარჯებით უზრუნველყოფს მიმწოდებელი.

4.5. მიმწოდებელს ეტაპებს შორის საშუალება ეძლევა განახორციელოს შუალედური მიღება-ჩაბარება, მაგრამ არანაკლებ ეტაპით განსაზღვრული საქონლის ღირებულების 50%-ისა.

მუხლი 5. პასუხისმგებლობა

5.1. ხელშეკრულებით გათვალისწინებული პირობების შეუსრულებლობის ან არაჯეროვნად შესრულებისათვის მიმწოდებელი ვალდებულია შემსყიდველის მოთხოვნისთანავე გადაუხადოს პირგასამტეხლოს სახით ხელშეკრულების ღირებულების 0,2 % არაუგვიანეს 10 კალენდარული დღის განმავლობაში. გარდა ამ ხელშეკრულების 3.1 და 3.3 პუნქტებით გათვალისწინებული შემთხვევებისა.

5.2. ხელშეკრულების 3.1 და 3.3. პუნქტით გათვალისწინებული პირობების შეუსრულებლობისათვის მიმწოდებელს დაეკისრება პირგასამტეხლო თითოეულ დარღვევაზე ხელშეკრულების ღირებულების 0,02 %-ის ოდენობით დარღვევის დღიდან ყოველ ვადაგადაცილებულ დღეზე.

5.3 მიმწოდებლის მიზეზით ხელშეკრულების შეწყვეტის შემთხვევაში, მიმწოდებელი ვალდებულია შემსყიდველის მოთხოვნისთანავე გადაუხადოს პირგასამტეხლოს სახით ხელშეკრულების ღირებულების 1% არაუგვიანეს 10 კალენდარული დღის განმავლობაში.

5.4. შემსყიდველი კისრულობს პასუხისმგებლობას ანგარიშსწორების ვადების დარღვევისათვის გადაუხადოს პირგასამტეხლოს სახით მიმწოდებელს გადასახდელი თანხის 0.02% ყოველი ვადაგადაცილებული დღისათვის.

5.5 იმ შემთხვევაში, თუ მიმწოდებელი თითოეული ეტაპით განსაზღვრული საქონლის ღირებულების 70%-ზე ნაკლებს მიაწოდებს, შემსყიდველი უფლებამოსილია ცალმხრივად შეწყვიტოს ხელშეკრულება.

5.6 იმ შემთხვევაში, თუ ხელშეკრულებით გათვალისწინებული პირგასამტეხლოს რაოდენობა მიაღწევს მთლიანი სახელშეკრულებო ღირებულების 0,2%-ს, შესყიდველს უფლება აქვს ცალმხრივად შეწყვიტოს ხელშეკრულება.

მუხლი 6. ფორსმაჟორი

6.1 მხარეები თავისუფლდებიან პასუხისმგებლობისაგან თუ ხელშეკრულებით ნაკისრი ვალდებულების შეუსრულებლობა გამოწვეულია ფორსმაჟორული მდგომარეობით ან/და მხარეები ხელშეკრულების შესრულების პროცესში წააწყდებიან ისეთ ხელშემშლელ გარემოებებს, რომელიც გამოწვეულია კანონით გათვალისწინებული ფორს-მაჟორული გარემოებებით. ასეთი გარემოება შეიძლება გამოწვეული იქნეს ომით ან სტიქიური მოვლენებით, ეპიდემიით, კარანტინით, საქონლის მიწოდებაზე ემბარგოს დაწესებით, საბიუჯეტო ასიგნებების მკვეთრი შემცირებით და სხვა.

6.2. ის მხარე, რომელიც ხელშეკრულების 6.1. პუნქტით გათვალისწინებული შემთხვევების გამო ვერ ასრულებს ხელშეკრულებით ნაკისრ ვალდებულებას, ვალდებულია დაუყოვნებლივ წერილობით აცნობოს მეორე მხარეს ნაკისრი ვალდებულებების შეუსრულებლობის გამოწვევი მიზეზებისა და მისი შესაძლო ხანგრძლივობის შესახებ, ხოლო შეტყობინებიდან არაუგვიანეს 5 სამუშაო დღისა წარმოადგინოს ცნობა შესაბამისი კომპეტენტური ორგანიზაციიდან (ასეთის არსებობის შემთხვევაში), რომელიც დაადასტურებს წერილში მოყვანილ გარემოებებს.

6.3. ხელშეკრულების 6.2. პუნქტით გათვალისწინებული პირობების დაცვის შემთხვევაში მხარეები უფლებამოსილი არიან გადახედონ ხელშეკრულების პირობებს და შეიტანონ მასში შესაბამისი ცვლილება ვალდებულების შესრულების ვადის გაგრძელებასთან დაკავშირებით ან/და (სათანადო არგუმენტაციის საფუძველზე) ვადამდე შეწყვიტონ ხელშეკრულება.

მუხლი 7. ხელშეკრულების შესრულების გარანტია

7.1. ხელშეკრულების შესრულების უზრუნველყოფის მიზნით გამოყენებულია სს „თიბისი ბანკის“ მიერ 2021 წლის წლის 31 მარტს გაცემული ხელშეკრულების შესრულების საგარანტიო უზრუნველყოფა (საბანკო გარანტია N 4143060-11354850) 20 327.00 ლარზე, რომლის მოქმედების ვადა განისაზღვრება 2022 წლის 28 თებერვლის ჩათვლით.

7.2. გარანტია არის უპირობო და შემსყიდველს აძლევს უფლებას გარანტიის გამცემი დაწესებულებისგან პირველი მოთხოვნისთანავე, ყოველგვარი დასაბუთების გარეშე, მიიღოს შესაბამისი თანხა.

7.3. მიმწოდებლის მიერ წარმოდგენილი, ხელშეკრულების შესრულების უზრუნველყოფის უპირობო საბანკო გარანტია, გამოიყენება ნებისმიერი ზიანის ანაზღაურების მიზნით, რომელიც მიაღწევა

შემსყიდველს მიმწოდებლის მიერ ხელშეკრულების პირობების შეუსრულებლობის ან არაჯეროვნად შესრულების გამო, აგრეთვე შემსყიდველის მიერ პირგასამტეხლოს გამოყენებისა და ხელშეკრულებით გათვალისწინებულ სხვა შემთხვევებში.

7.4. მიმწოდებლის მიერ ხელშეკრულების შეწყვეტის შემთხვევაში შემსყიდველს უფლება აქვს აამოქმედოს ხელშეკრულების შესრულების უზრუნველყოფის საბანკო გარანტია სრული ოდენობით.

7.5. მიმწოდებლის მიერ ხელშეკრულების შეუსრულებლობის ან არაჯეროვნად შესრულების გამო, შემსყიდველის მიერ ხელშეკრულების ცალმხრივად შეწყვეტის შემთხვევაში, შემსყიდველი უფლებამოსილია აამოქმედოს ხელშეკრულების შესრულების უზრუნველყოფის მიზნით მიმწოდებლის მიერ წარმოდგენილი უპირობო საბანკო გარანტია სრული ოდენობით. ამ შემთხვევაში საბანკო გარანტიის ამოქმედება მიმწოდებელს არ ათავისუფლებს შემსყიდველისთვის მიყენებული ზიანის ანაზღაურებისგან.

7.6. მიმწოდებლის მიერ ხელშეკრულებით ნაკისრი ვალდებულებების სრულად შესრულების შემდეგ, ან/და მიმწოდებლისაგან დამოუკიდებელი მიზეზების გამო (ფორს-მაჟორული გარემოებები) ხელშეკრულების შეწყვეტის შემთხვევაში შემსყიდველი ვალდებულია მიმწოდებლის მოთხოვნისთანავე დაუბრუნოს მას ხელშეკრულების შესრულების უზრუნველყოფის გარანტია.

მუხლი 8. ხელშეკრულების შეწყვეტა

8.1 ხელშეკრულების დამდები ერთ-ერთი მხარის მიერ ხელშეკრულების პირობების შეუსრულებლობის შემთხვევაში, მეორე მხარეს შეუძლია მიიღოს გადაწყვეტილება ხელშეკრულების მოქმედების შეწყვეტის შესახებ, რაზედაც აცნობებს მეორე მხარეს წერილობითი ფორმით.

8.2 ხელშეკრულების ცალკეული პირობების მოქმედების შეწყვეტა არ ათავისუფლებს მეორე მხარეს დანარჩენი ვალდებულებების შესრულებისაგან.

8.3 ხელშეკრულების შეწყვეტის გაფორმება ხდება ორმხრივი შეთანხმებით, დანართის ფორმით, მაგრამ შეუთანხმებლობის შემთხვევაში მხარეებს უფლება აქვთ გამოიყენონ ხელშეკრულების ცალმხრივად (წერილობითი ფორმით) შეწყვეტის შესაძლებლობა.

8.4 შემსყიდველი უფლებამოსილია ვადამდე ცალმხრივად შეწყვიტოს ამ ხელშეკრულების მოქმედება, თუ:

- ა) მიმწოდებელი არღვევს ამ ხელშეკრულების პირობებს (არ ასრულებს ან არაჯეროვნად ასრულებს);
- ბ) მიმწოდებლის მიმართ მიმდინარეობს გაკოტრების საქმე (მიუხედავად მისი დაწყების დროისა);
- გ) მიმწოდებლის ქონებას დაედო ყადაღა;
- დ) მიმდინარეობს მიმწოდებლის რეორგანიზაცია, თუ ეს გარემოება ზეგავლენას ახდენს ან შესაძლებელია მოახდინოს ხელშეკრულების ჯეროვან შესრულებაზე;
- ე) ამოიწურა ხელშეკრულების გარანტიით განსაზღვრული თანხა და მიმწოდებელმა არ წარმოადგინა ახალი გარანტია;
- ვ) მიმწოდებლის მიმართ დაკისრებული პირგასამტეხლოს ოდენობამ მიაღწია ხელშეკრულების ღირებულების 0,2%- ს;
- ზ) იმ შემთხვევაში, თუ მიმწოდებელი ყოველი წერილობითი მოთხოვნით განსაზღვრული საქონლის მიწოდების ღირებულების 70%-ზე ნაკლებს შეასრულებს;
- თ) წინამდებარე ხელშეკრულების შემთხვევაში, როდესაც პირგასამტეხლოს ჯამური თანხა მიაღწევს სახელშეკრულებო ღირებულების 0,2%-ს, შემსყიდველი უფლებამოსილია ცალმხრივად შეწყვიტოს ხელშეკრულება, რის შემდეგ ხელშეკრულების 7.4 პუნქტით განსაზღვრული დაკავებული თანხიდან მიმწოდებელს არ დაუბრუნდება პირგასამტეხლოს სახით დაკისრებული თანხა და გადაირიცება ბიუჯეტის შესაბამის ანგარიშზე;
- ი) თუ დადგინდა, რომ მიმწოდებელმა აიყვანა ქვეკონტრაქტორი;
- კ) ხელშეკრულების გაფორმების შემდეგ, შემსყიდველისათვის ცნობილი გახდა, რომ მიმწოდებელმა ხელშეკრულების დამდების მიზნით ჩაიდინა არაკეთილსინდისიერი ქმედება (გაყალბა სატენდერო

დოკუმენტაცია, წარმოსადგენი ცნობა, საბანკო გარანტია და სხვა) ;

ლ) თუ მიმწოდებელს განმეორებით დაეკისრა პირგასამტეხლო ხელშეკრულების პირობების შეუსრულებლობის ან არაჯეროვნად შესრულების გამო;

მ) მიმწოდებლის მიზეზით ზედიზედ 10 კალენდარული დღის განმავლობაში არ ხდება საქონლის მიწოდება;

ნ) საქართველოს კანონმდებლობით განსაზღვრულ სხვა შემთხვევაში.

მუხლი 9. ინსპექტირება

9.1. ამ ხელშეკრულების მოქმედების პერიოდში შემსყიდველი უფლებამოსილია ნებისმიერ დროს განახორციელოს შესრულებული სამუშაოს ინსპექტირება.

9.2. მიმწოდებელი ვალდებულია საკუთარი ხარჯებით უზრუნველყოს შემსყიდველი კონტროლის (ინსპექტირების) ჩატარებისათვის აუცილებელი პერსონალით, ტექნიკური საშუალებებით და სხვა სამუშაო პირობებით. იმ შემთხვევაში, თუ შემსყიდველი კონტროლის (ინსპექტირების) მიზნით გამოიყენებს საკუთარ ან მოწვეულ პერსონალს, მის შრომის ანაზღაურებას უზრუნველყოფს თვით შემსყიდველი.

9.3. შემსყიდველს ან მის წარმომადგენელს უფლება აქვს ხელშეკრულების პირობების შესრულების ნებისმიერ ეტაპზე განახორციელოს კონტროლი მიმწოდებლის მიერ ნაკისრი ვალდებულებების შესრულების მიმდინარეობაზე.

ხელშეკრულების პირობების საერთო კონტროლი ევალება დეპარტამენტის უფროსის დარგის კურატორ მოადგილეს.

9.4. მიმწოდებელი ვალდებულია საკუთარი ხარჯებით უზრუნველყოს კონტროლის (ინსპექტირების) შედეგად გამოვლენილი ყველა დეფექტის ან ნაკლის აღმოფხვრა.

მუხლი 10. სხვა პირობები

10.1 წინამდებარე ხელშეკრულების არც ერთ მხარეს არა აქვს უფლება გადასცეს მესამე პირს თავისი უფლებები და მოვალეობები, მეორე მხარის წერილობითი თანხმობის გარეშე.

10.2 მესამე პირებთან ურთიერთობაში მხარეები მოქმედებენ თავიანთი სახელით, ხარჯებითა და რისკით.

10.3. ნებისმიერი გადახრა ან ცვლილება ამ ხელშეკრულების პირობებში დაიშვება მხოლოდ ორივე მხარის მიერ ხელმოწერილი წერილობითი შესწორებების საფუძველზე.

10.4. იმ შემთხვევაში, თუ სამუშაოების შესრულების დროს ამ ხელშეკრულების ღირებულებისა და ანგარიშსწორებიდან გამომდინარე, ან რაიმე წინასწარ გაუთვალისწინებელი მიზეზის გამო წარმოიშვა ხელშეკრულების პირობების შეცვლის აუცილებლობა, მათ შორის ფასების გადასინჯვის შესაძლებლობა, ასეთი ცვლილებები დასაშვებია წინამდებარე ხელშეკრულების საერთო შინაარსის ფარგლებში და ცვლილებების შეტანის ინიციატორი მხარე ვალდებულია წერილობით შეატყობინოს მეორე მხარეს შესაბამისი დასაბუთებული ინფორმაცია.

10.5. ნებისმიერ ცვლილება, რომელსაც მოჰყვება ხელშეკრულების ფასის გაზრდა ან შემსყიდველისათვის პირობების გაუარესება, დაუშვებელია გარდა საქართველოს სამოქალაქო კოდექსის 398-ე მუხლით გათვალისწინებული შემთხვევებისა.

10.6. წინამდებარე ხელშეკრულების პირობების ნებისმიერი ცვლილება უნდა გაფორმდეს ხელშეკრულების დანართის სახით, რომელიც ჩაითვლება ხელშეკრულების განუყოფელ ნაწილად.

10.7. ნებისმიერი შეტყობინება, რომელსაც ერთი მხარე, ხელშეკრულების შესაბამისად, უგზავნის მეორე მხარეს, გაიგზავნება წერილის, დეპეშის, ტელექსის, ფაქსის სახით ან ელექტრონული ფოსტით (სკანირებული ფორმატში) ორიგინალის შემდგომი წარმოდგენით, წინამდებარე ხელშეკრულებაში

მითითებული მეორე მხარის მისამართზე.

10.8. შეტყობინება შედის ძალაში ადრესატის მიერ მისი მიღების დღეს ან შეტყობინების ძალაში შესვლის დადგენილ დღეს, იმის მიხედვით, თუ ამ თარიღებიდან რომელი უფრო გვიან დგება.

10.9. მხარეთა შორის წარმოშობილი სადავო საკითხები წყდება ურთიერთშეთანხმებითა და მოლაპარაკებების გზით; იმ შემთხვევაში, თუ შემსყიდველი და მიმწოდებელი მოლაპარაკებების დაწყებიდან 10 დღის განმავლობაში ვერ მიაღწევენ შეთანხმებას, მხარეებს უფლება აქვთ მიმართო სასამართლოს საქართველოს მოქმედი კანონმდებლობით დადგენილი წესით.

10.10 ხელშეკრულება შედგენილია ქართულ ენაზე, ორმხრივად (შემსყიდველის და მიმწოდებლის მიერ) ელექტრონულად ხელმოწერილი სახით, რომელსაც გააჩნია იურიდიული ძალა, ხელშეკრულებასთან დაკავშირებული ნებისმიერი მიმოწერა შესრულებული უნდა იყოს ქართულ ენაზე.

10.11. ფასების ცხრილი - დანართი N1, საგარანტიო უზრუნველყოფა, გზების ჩამონათვალი- დანართი #3 და სხვა დოკუმენტაცია თან ერთვის და წარმოადგენს წინამდებარე ხელშეკრულების განუყოფელ ნაწილს.

მუხლი 11. ხელშეკრულების მოქმედების ვადა

11.1. საქონლის მიწოდების ვადაა - შემსყიდველის წერილობით შეტყობინებაში დაფიქსირებული სამუშაოს დაწყების თარიღიდან 120 (ასოცი) კალენდარული დღე.

11.2. ხელშეკრულების მოქმედების ვადა განისაზღვრება ხელშეკრულების ხელის მოწერის დღიდან, მხარეთა მიერ ნაკისრი ვალდებულებების სრულ და ჯეროვან შესრულებამდე, 2022 წლის 28 თებერვლის ჩათვლით.

მუხლი 12. მხარეთა იურიდიული მისამართები და რეკვიზიტები

„შემსყიდველი“

აჭარის ა.რ. ფინანსთა და ეკონომიკის
სამინისტროს საქვეუწყებო-დაწესებულები
საავტომობილო გზების დეპარტამენტი

ქ. ბათუმი ჯავახიშვილის #72ა

საიდენტიფიკაციო კოდი: 245 538 333

დეპარტამენტის უფროსი:

ზაზა შავაძე

„მიმწოდებელი“

შპს „გეო-გრუპი“

ქ. ბათუმი, გენერალ ა.აბაშიძის ქ. N 24

საიდ. კოდი: **445 505 604**

მიმღები ბანკი: სს "თიბისი ბანკი"

ბანკის კოდი: **TBCBGE22**

ანგარიშის №

GE98TB7306036080100005

დირექტორი :

გელა კოჩალიძე



101/102-02

საბანკო გარანტია N 4143060-11354850

ქალაქი ბათუმი
წელი

31 მარტი 2021

გარანტი: სს თიბისი ბანკი (შემდგომში „გარანტი“)

გარანტის საიდენტიფიკაციო კოდი: 204854595

გარანტის მისამართი: კ. მარჯანიშვილის ქ. #7, თბილისი 0102, საქართველო
პრინციპალი: შპს გეო-გრუპი (ს/ნ 445505604)

ბენეფიციარი: აჭარის ავტონომიური რესპუბლიკის ფინანსთა და ეკონომიკის სამინისტროს
საქვეუწყებო დაწესებულება-სავტომობილო გზების დეპარტამენტი (შემდგომში
„ბენეფიციარი“)

მხედველობაში ვიღებთ რა, რომ შპს გეო-გრუპი (ს/ნ 445505604) შემდგომში „პრინციპალმა“ ხელგაყურის მუნიციპალიტეტში (1-ლი ზონა) მზა ბეტონის მ-250-ის (B-20) მიწოდების შესყიდვის ტენდერში (#NAT210004274) წარდგენილი თავისი სატენდერო წინადადების შესაბამისად იკისრა ვალდებულება, წარმოადგინოს საბანკო გარანტია მასზე დაკისრებული ვალდებულებების შესრულების გარანტიის სახით ბენეფიციართან გასაფორმებელ ხელშეკრულებაში (შემდგომში „ხელშეკრულება“) მითითებულ თანხაზე, ჩვენ სს თიბისი ბანკი (მის: საქართველო, ქ. თბილისი 0102, მარჯანიშვილის ქ. #7) (შემდგომში „გარანტი“), თანახმა ვართ, გავცეთ პრინციპალის სახელზე ზემოთ აღნიშნული გარანტია. ამასთან დაკავშირებით, ვადასტურებთ, რომ ვართ გარანტები და პასუხისმგებლები თქვენს წინაშე საერთო თანხაზე

20,327.00 (ოცი ათას სამასოცდაშვიდი) ლარი და გამოუთხოვადად და უპირობოდ (რაც გულისხმობს, რომ საგარანტიო თანხის ანაზღაურების შესახებ ბენეფიციარის წერილობით მოთხოვნაში მითითებული უნდა იყოს თუ რაში გამოიხატება პრინციპალის მიერ ვალდებულების დარღვევა, მოთხოვნისა და/ან მოთხოვნილი თანხის ყოველგვარი დასაბუთების და ყველანაირი დამატებითი დოკუმენტაციის წარდგენის ვალდებულების გარეშე) ვკისრულობთ ზემოაღნიშნული თანხის გადახდას, პრინციპალის მიერ ხელშეკრულების პირობების დარღვევის საფუძველზე, თქვენი პირველივე წერილობითი მოთხოვნისთანავე 5 (ხუთი) სამუშაო დღის ვადაში.

წერილობითი მოთხოვნა წარდგენილ უნდა იქნეს სს "თიბისი ბანკი"-ს კანცელარიაში (მისამართი: კ. მარჯანიშვილის ქ. 7, 0102 თბილისი, საქართველო) სამუშაო საათებში.

წინამდებარე გარანტია ძალაშია: 2022 წლის 28 თებერვლის ჩათვლით.

აღნიშნულიდან გამომდინარე, ნებისმიერი მოთხოვნა ან პრეტენზია ბენეფიციარის მიერ წარმოდგენილი უნდა იქნეს საბანკო გარანტიის ვადის გასვლამდე, გარანტის ზემოთ მითითებულ მისამართზე.

საბანკო გარანტია ავტომატურად უქმდება:

- საბანკო გარანტიის ვადის გასვლით;
- ბენეფიციარის მიერ გარანტიიდან გამომდინარე თავის უფლებებზე წერილობითი უარის თქმით და საბანკო გარანტიის ორიგინალის გარანტისათვის დაბრუნებით;
- გარანტის მიერ საგარანტიო თანხის ბენეფიციარისთვის სრულად გადახდით.

წინამდებარე საბანკო გარანტია რეგულირდება საქართველოს კანონმდებლობით.

სს თიბისი ბანკის წარმომადგენელი მამუკა ბარამიძე

ხელვაჩაურის მუნიციპალიტეტში (1-ლი ზონა) მზა ბეტონის მიწოდების დაზუსტებული ხარჯთაღრიცხვა

დანართი #1

N	საქონლის დასახელება	წარმოშობის ქვეყანა	მწარმოებელი	რაოდენობა - კუბ/მ.	ერთეულის ფასი/ლარი	სულ	შენიშვნა
1	სასაქონლო ბეტონი მ-250 (B-20)	საქართველო	შ.პ.ს RASEBETON	3201	127,00	406527,00	მოწოდების ადგილი: მიწოდება განხორციელდება დანართი #3-ის შესაბამისად.
	სულ ჯამი					406527,00	

შ.პ.ს. „გეო-გრუპი“-ს დირექტორი

Gela
Kochalidze

Подписано
цифровой
подписью: Gela
Kochalidze
Дата: 2021.03.23
15:50:05 +04'00'

გელა კოჩალიძე

ხელვაჩაურის მუნიციპალიტეტის ადგილობრივი მნიშვნელობის საავტომობილო გზებზე ბეტონის საფარის მოწყობის ჩამონათვალი 2021 წლისათვის (დანართი N3)

I ზონა					
I უბანი					
N	გზების დასახელება	ადგილმდებარეობა კმ+კვ	ბეტონის რაოდენობა კმ-ში	გზის სიგრძე მეტრებში	შენიშვნა
1	მასაური-ქომურჯი	კმ0+000-კმ0+050	18	50	
2	ზედა ყოროლისთავი-შუა ყოროლისთავი-ფალავები	კმ0+750-კმ1+000	90	250	
3	ზედა ყოროლისთავი-წილოსნები-ბაკიში	კმ0+310-კმ0+438	43	128	
4	ქვ. ყოროლისთავი-მაჭუტაძეები	კმ2+930-კმ3+000	25	70	
5	ჩელტა-სალიბაურის სასაფლაოები	კმ0+000-კმ1+000	90	250	
6	სამება-ჩელტა	კმ0+050-კმ0+500	162	450	
ჯამი			428	1198	
II უბანი					
1	ფერია-ირემაძეები-სურმანიძეები	კმ0+400-კმ0+430	10	30	
2	მნათობი-მახაჭაძეები	კმ0+150-კმ0+270	40	120	
3	ფერია-აიკუტბები-მახაჭაძეები	კმ0+080-კმ0+100 კმ0+300-კმ0+350	23	70	
4	ფერია-ესელიძეები-დევაძეები	კმ0+000-კმ0+100	36	100	
5	არკა-მეურნეობა-სოლომონიძე-ჯორბენაძეები	კმ1+200-კმ1+250 კმ1+270-კმ1+290 კმ1+380-კმ1+390 კმ1+430-კმ1+545	60	185	
6	მეურნეობის ხიდის დასახლება-გობაძეები	კმ0+020-კმ0+120	36	100	
7	გობაძეების გზა-წყალსაქაჩი	კმ0+000-კმ0+203	68	203	

9	ახალდაბა-თურმანიძეები	კმ1+302-კმ1+450 კმ1+750-კმ1+780 კმ1+900-კმ2+000	100	278	
10	ხელრუ-შარაძეები-თურმანიძეები	კმ0+000-კმ0+100 კმ0+220-კმ0+300 კმ0+400-კმ0+422	70	202	
11	ხელრუ-შარაძეები-ხინკილაძეები	კმ0+400-კმ0+587	65	187	
12	ხელრუ-მარკოიძე-საგინაძეები	კმ0+512-კმ0+800	100	288	
13	ხელრუ-ცეცხლაძეები	კმ0+000-კმ0+050 კმ0+080-კმ0+174	50	144	
14	ხელრუ-შერვაშიძეები-ქოქოლაძეები	კმ0+200-კმ0+350 კმ0+380-კმ0+420	63	190	
15	ზედა ახალშენი-სკოლა-გორაძეები	კმ0+000-კმ0+050 კმ0+070-კმ0+110 კმ0+170-კმ0+224	50	144	
16	ჯიბინაურის მაღაზია-დევაძეები	კმ0+400-კმ0+500 კმ0+550-კმ0+600	52	150	
17	ზედა ახალშენი-ჯიბინაურის მაღაზია-დევაძეები- საკანდელიძეები	კმ0+450-კმ0+540	30	90	
18	ახალშენის #2 საჯარო სკოლა-თავაძეები	კმ0+000-კმ0+010 კმ0+090-კმ0+110 კმ0+400-კმ0+450 კმ0+600-კმ0+650	46	130	
19	ახალშენი-სამველიძეები-კურცხალიძეები	კმ0+290-კმ0+300 კმ0+350-კმ0+370	10	30	
20	ახალშენი-მიქელაძეების ხიდი-ვასაძეები	კმ0+600-კმ0+640 კმ0+680-კმ0+730 კმ0+900-კმ0+980	57	170	
21	ახალშენის მეჩეთი-ბედინაძეები	კმ0+280-კმ0+300 კმ0+460-კმ0+550	38	110	
23	განახლება-თურმანიძეები-გვარიშვილები	კმ0+200-კმ0+300 კმ0+350-კმ0+380	45	130	

24	განახლება-მოწყობილები	კმ0+350-კმ0+410 კმ0+430-კმ0+500	45	130	
25	სალიბაური-ბერიძეები-გაბაიძეები	კმ0+000-კმ0+188 კმ0+380-კმ0+400 კმ0+450-კმ0+470	79	228	
26	ქვედა სამება-ბარამიძეები	კმ0+650-კმ0+700 კმ0+720-კმ0+800	46	130	
27	აფხაზეთის სასაფლაოს გზა	კმ0+040-კმ0+200 კმ0+230-კმ0+350	62	180	
ჯამი			1281	3719	
III უბანი					
1	მახო-დავითაძეები	კმ3+000-კმ3+290	97	290	
2	მახოს გზა-ცინცაძეები-ხილიეთი	კმ0+750-კმ0+767 კმ0+828-კმ1+077 კმ1+094-კმ1+257	144	429	
3	ონტოპო-გოჩის გზა	კმ1+118-კმ1+520	135	402	
4	მახოს გზა-გოგოძეები-ონტოვო	კმ0+417-კმ0+820	135	403	
5	სიმონეთი-ზანაქელი	კმ0+120-კმ0+210 კმ0+230-კმ0+251	37	111	
6	ზედა თხილნარი-დუმბაძეები	კმ0+000-კმ0+036 კმ0+175-კმ0+204 კმ0+260-კმ0+640	149	445	
7	მურმანეთი-ჯაფარიძეები	კმ0+400-კმ0+580	60	180	
10	აგარა-ასამბაძეები	კმ0+168-კმ0+258 კმ0+294-კმ0+500	99	296	
11	აგარა-თავდგირიძეები	კმ0+014-კმ0+106	31	92	
12	ზედა თხილნარი-ფუტკარაძეები-დუმბაძეები	კმ0+400-კმ0+425 კმ0+445-კმ0+482 კმ0+492-კმ0+640	75	210	
14	ქარნალის მეურნეობა-ფუტკარაძეები	კმ0+100-კმ0+133 კმ0+189-კმ0+323 კმ1+515-კმ1+595	83	247	

15	ზედა თხილნარი-გორგაძეები	კმ0+000-კმ0+035 კმ0+280-კმ0+464 კმ0+509-კმ0+532 კმ0+583-კმ0+596 კმ0+629-კმ0+851 კმ0+867-კმ0+877 კმ0+902-კმ1+040 კმ1+068-კმ1+080 კმ1+008-კმ1+097	220	637	
16	თხილნარი-დუმბაძეები-ხინკილაძეები	კმ0+956-კმ0+979 კმ0+734-კმ0+818 კმ0+570-კმ0+670 კმ0+431-კმ0+527	131	392	
17	თხილნარის მეურნეობა-მე-3 ბრიგადა	კმ0+000-კმ0+019 კმ0+376-კმ0+460 კმ0+827-კმ0+897 კმ0+933-კმ0+951 კმ0+989-კმ1+017 კმ1+092-კმ1+104 კმ1+167-კმ1+122	96	286	
	ჯამი		1492	4420	
	პირველი ზონის ჯამი		3201	9337	

შ.პ.ს. „გეო-გრუპი“-ს დირექტორი Gela

Kochalidze

Подписано
цифровой подписью: გელა კოჩალიძე
Gela Kochalidze
Дата: 2021.03.13
22:38:00 +04'00'

ხელწერილი ინტერესთა კონფლიქტის შესახებ

ქ. ბათუმი

12/04/2021 წელი.

ვადასტურებ, რომ „სახელმწიფო შესყიდვების შესახებ“ საქართველოს კანონის მე-8 მუხლის თანახმად, ხელვაჩაურის მუნიციპალიტეტში (1-ლი ზონა) სასაქონლო ბეტონის მ-250-ის (B-20) მიწოდებაზე (NAT210004274, CPV-44100000) სახელმწიფო შესყიდვასთან დაკავშირებით 2021 წლის 12 აპრილს გაფორმებულ სახელმწიფო შესყიდვის №83 ხელშეკრულებაში მითითებულ მიმწოდებელ შპს „გეო-გრუპი“-სთან (ს/ნ-445505604) ინტერესთა კონფლიქტში არ ვიმყოფები.

დეპარტამენტის უფროსი:

ზაზა შავაძე